



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-4023-3

Dana: 01.10.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine i broj 05-1-11-4-1158-4 od 07.09.2020. godine u postupku javne nabavke „Nabavka informatičke opreme za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

O D L U K U

**o izboru ponuđača za nabavku informatičke opreme za potrebe
Ministarstva unutrašnjih poslova Kantona Sarajevo**

I

Na osnovu Odluke broj 01-11-4-4023 od 05.08.2020. godine i Obavještenja o nabavci broj 1364-1-1-53-3-49/20 od 13.08.2020. godine, proveden je otvoreni postupak nabavke informatičke opreme za potrebe Ministarstva unutrašnjih poslova Kantona Sarajevo, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora:
- za LOT 2 - Dokument skeneri u iznosu 15.240,00 KM bez PDV-a
(petnaesthiljadadvijestotinečetdeset i 00/100 KM), ponuđaču C-Servis d.o.o. Sarajevo.

II

Postupak za LOT 1 – Printeri u boji i LOT 3 – Projektori se poništava jer nije prispjela niti jedna ponuda.

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.



Obrazloženje

Na osnovu Odluke broj 01-11-4-4023 od 05.08.2020. godine i Obavještenja o nabavci broj 1364-1-1-53-3-49/20 od 13.08.2020. godine, proveden je otvoreni postupak nabavke informatičke opreme za potrebe Ministarstva unutrašnjih poslova Kantona Sarajevo, uz primjenu e-aukcije.

Javno otvaranje ponuda izvršeno je dana 07.09.2020. godine u 12:00 sati. Izvršena je kontrola načina uvezivanja ponude, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen ponuđačima u zakonskom roku.

Tendersku dokumentaciju preuzela su 22 ponuđača, a prispjele su tri ponude samo za LOT 2, i to: C -Servis d.o.o. Sarajevo, Printex d.o.o. Sarajevo i digITarija d.o.o. Sarajevo.

Komisija je utvrdila da u postupku nabavke, od strane ponuđača, nije postavljeno ni jedno pitanje.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata, a imajući u vidu podatke navedene u tabelama konstatovano je sljedeće:

- ponuda ponuđača C-Servis d.o.o. Sarajevo je formalno-pravno ispravna i po osnovu dostavljene dokumentacije i tehničkih specifikacija;

- ponuda ponuđača Printex d.o.o. Sarajevo nije formalno-pravno ispravna jer na dostavljenom Obrascu za ponudu, Anex II nije upisan iznos ponude slovima i nudi se oprema koja prema dostavljenim tehničkim karakteristikama ne odgovara minimalnim tehničkim karakteristikama predviđenim tenderskom dokumentacijom,

- ponuda ponuđača digITarija d.o.o. Sarajevo nije formalno-pravno ispravna jer se nudi oprema koja prema dostavljenim tehničkim karakteristikama ne odgovara minimalnim tehničkim karakteristikama predviđenim tenderskom dokumentacijom,

S obzirom da je samo jedna ponuda formalno-pravno ispravna nisu se stekli uslovi za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 68. stav (4) tačka i) i 70. Zakona o javnim nabavkama BiH („Službeni glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora za nabavku informatičke opreme za potrebe Ministarstva unutrašnjih poslova Kantona Sarajevo za LOT 2 - Dokument skeneri ponuđaču C-Servis d.o.o. Sarajevo u iznosu od 15.240,00 KM bez PDV-a.

U skladu sa članom 69. stav (2), tačka a) za LOT 1 – Printeri u boji i LOT 3 – Projektori, postupak se poništava jer nije prispjela niti jedna ponuda.

Cijeneći naprijed navedeno riješeno je kao u dispozitivu.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.

DOSTAVITI:

1. Ponuđačima x3;
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

